

Imigassaq - meeqqat inuusuttullu

PAASSISSUTISSAT

Imigassaq Ikiaroorartullu pillugit Siunnersuisoqatigiit kaammattuutigaat meeqqat inuusuttullu 18-it inorlugit ukiullit imigassartunngilluinnassasut.

Inuusuttut 18-it inorlugit ukiullit imigassamik pisiffiginerat, tuniniaaffiginerat sassaalliteqarfiginerallu inerteqqutaavoq. Taamaakkaluartoq inuusuttut 18-it inorlugit ukiullit ilaat imigassartornermik misile-raasarput.

Imigassap mianersuulluinnarnissaanut pissutissaqarluarpoq. Imigassap naliliisinnaassutsit appartittarpaa, aamma kingusinnerusukku peqqissimissutigisannik aalakoortut iliuseqarsinnaavutit. Assersuutigalugu imigassartornermi atoqateqarnissamut naaggaarnissat sapernartissinnaavat, ajutooriataarsinnaavutit imminulluunniit ajoquserlutilluunniit allanik ajoqusiinnaavutit. Siunissaq ungasinnerusoq eqqarsaatigalugu an-nertuumik imigassamik atuinerup timit ajoqusersinnaavaa.

Erngunneq imeriaasiuvoq ajoqusiinerpaasartoq. Erngunneq tassaavoq unnummi ataatsimi najoqqagassanik sisamanit amerlanerusunik imernej.

NEQEROORUT

Ilaasa imertarunnaarnissaq sapernartissinnaavaat. Imertarunnaarnissat sapernartikkukku pingaaruteqarpoq sapinngisamik piaarnerpaamik sullissisunnut saaffiginninnissat imaluunniit Allorfimmut, pinngitsuuisinnaan-nginninnut katsorsaasinnaasumut, attaveqarnissat. Ullumikkut innuttaasut 18-it sinnerlugit ukiullit kisimik katsorsarneqarsinnaapput. Allorfinnili innuttaasunut 18-it inorlugit ukiulinnut killilimmik neqerooruteqar-poq.

Kalaallit Nunaanni najugaqartut tamarmik akeqanngitsumik pinngitsuuisinnaannginnermut katsorsarneqar-sinnaapput.

Allorfik ugguuna attavigisinnaavat 52 53 43, piffissami 09:00-imiit 15:00-imut, imaluunniit mailikkut allorfik@allorfik.gl. Illoqarfinni Allorfilinni (Qaqortumi, Nuummi, Sisimiuni Aasiaanni aamma Ilulissani) ornigullutit saaffiginnissinnaavutit nal. 9-15.

Allorfiup nittartagaani paasisaqarnerusinnaavutit uani www.allorfik.gl

MIO

Takuuk www.MIO.gl

1899 – SMS-ikkut siunnersorneqarneq

Nuna tamakkerlugu Meeqqanut Inuusuttunullu SMS-ikkut attavissaq akeqanngitsoq – inersimasumik siunnersuisinnaasumik

allaqateqarit.

Ammasarpoq: Ataasinngorneq – tallimannorneq 16 – 18

NAMMINEQ QANOQ ILIUSEQARSINNAAVUNGA

Inuusuttut ilaat, tamarmiunnigtsulli, sulit 18-inik ukioqalernatik imigassamik aalakoornartumik imilertarput.

Eqqarsarnarsinnaavoq «kikkut tamarnik imertartut», kisianni taamaattariaqanngilaq. 2014-imi meeqqat atuarfianni misissuinerup (HBSC 2014) ersersippaa 16-inik ukiullit 74 procentii aalakuunnigisaannarsimasut.

Imaassinnaavoq misigisutit akuerineqarumallutit festernerimi imigassartortariaqarlutit. Ilumoortorli tassaa-voq amerlanerit imerpallaarsimannigkaluarlutik imerujussuarnerartartut.

Imernissamut tatineqarneq qanoq qaangissavara?

- Siullertut pingaarnertullu naaggaarnerup ajunnigilluinnarnera eqqarsaatigissavat
- Ikinngutit ataaseq arlallilluunniit imerusunnigtsut ililiutikkitt. Arlaliugaanni naaggaarnissaq ajornannginne-rusarpoq
- Nammineq imeruusaatinik - sodavandimik juicemilluunniit - nassarit, taava imigassamik neqeroorfigine-qarnissat ilimanannginnerussaaq
- Festernerimi arlaannik sammisaqartuarit. Qitigit, angalaarit inuillu assigiinngitsut oqaloqatigalugit
- Sooq iminnginninnik aperineqaruit akissutissannik piareersaagit - «Sooq illit imerpit?» imaluunniit «Imersi-matillunga qisuariartaasera nuannarinnginnakku imernangalu iluarigakku»

Imigassartoruit aalakuulerlutillu pitsaassaaq angerlarninni kisimiillutit pisunnak angerlamut ikinngutitit ingiaqatigigukkit.

Immissinnut paarillusilu ikioqatigiigitsi.

Imigassamik atuinerit aqussinnaajunnaarsorigukku pingaaruteqarpoq allanik tamanna pillugu oqaloqateqar-nissat.

Pitsaassaaq inersimasumik tatigisannik oqaloqateqarnissat. Ilinniartitsisoq, perorsaasoq, angajoq-qaatit, peqqissaasoq, nakorsaq kommunimiluunniit sullissisoq ikiorneqarnissamik pisariaqartitsininni ilinnik tapersuisinnaasoq oqaloqatigisinnaavat.

QANIGISAT:

Imigassap ajortumik sunniuteqartarneranut tunngatillugu inuusuttut qajannartuupput. Inuusuttut ilikkar-sinnaanerat, timikkut peqqissusaat inooqataaniarnikkullu pisinnaasat annikillisarput imigassamillu pinngi-tsuuisinnaajunnaarnissamut aarlerinartorsiornerat annertunerulluni. Inuusuttut aalakoortut ajutoornissaat, akerleriissuteqarnissaat, atuarfimmiit qimaanissaat kissaatiginnigisaminnillu atoqateqarnissaat ilimanarne-rusarpoq.

Qitornap inuusuttuarannornera angajoqqaanut amerlanertigut unamminiarnartarpoq. Kisianni tamanna aamma qitornannut unamminarnarpoq. Angajoqqaatut qitornap aliikkutaqarnissaa ikinngutigilluakkanillu nuannisaqateqarnissaa kissaatigineqartarpoq, kisianni aamma qitornaq imigassap aanngajaarniutillu allat sunniutaannut ajortunut illersorusunneqartarpoq.

Angajoqqaat amerlasuut misigisarput meeqqap piumasamisut iliortinnera asanninnermut isumassuiner-mullu

takussutissaasoq. Imigassamulli tunngatillugu meeqqap ilitersorneqarluarnissani pisariaqartippaa.

Meeqqat imigassamut NAAGGAAQQULLUGU qanoq tapersorsinnaaviuk:

- Meeqqat inuusuttullu 18-it inorlugit ukiullit imigassamik sassaalliteqanngisaannarit
- Meeqqavit imigassamik iminnginnissaanik naatsorsuuteqarnerit ersersiguk
- Meeqqat imigassamik iminnginnissaanik isumaqatigiissuteqarfigiuk
- Meeqqatit najuutsillugit najoqqagassat ikittuinnaat imertakkit
- Illit allalluunniit aalakoornat meeqqannut takutinngisaannaruk
- Imigassat angerlarsimaffissinni nuisateqinagit
- Meeqqat inuusuttullu imigassamik tuninngisaannarlugillu pitsinngisaannakkit
- Meeqqat imigassaq pillugu oqaloqatigiuk

Meeqqat imigassartaqanngitsumik ikinngutit qanoq nuannisaqatigineqarsinnaanerat pillugu oqaloqatigiuk. Eqqartorsiuk qanoq imigassaq pitsaasunik ikinngutitaarnissamut peerartaarnissamullu periarfissanik akor-nusiinnaasoq. Amerlanertigut meeqqat inuusuttullu nalusarpaat:

- Inooqataaniarnikkut ajorsaarinerit inuusuttut akornanni amerlanertigut ingerlanneqartartut paasinissaan-nut imigassaq ajoqutaasartoq
 - Imigassaq peqqissimissutigisamik oqaaseqarnissamik iliuseqarnissamillu ilimanarnerulersitsisartoq
 - Imigassaq nukissamik allanullu qanilaartuunissamik annikillsitsisartoq
 - Nuannaarnermi, timersornermi, nipilersuutininik tusarnaarnermi qitinnermilu qarasaq "aalakuulernartunik" endorfiniliortartoq.
- Tamanna aalakoornartup kingunipiluinit sunnersisimanani aalakoornermut assersuunneqarsinnaavoq.

Imernerup nuannernerpaaneraniq eqqortutuaaneraniq oqartartunik meeqqat naapitsinissamut piareer-saruk. Inuusuttut ikinngutimittut ittuunissartik pingaartilluinnartarpaat. Imernissamut tatisineq annertooru-jussuusinnaavoq, naaggaarnissamullu piareersimannigikkaanni imernissamut tatineqarnermi akuersiinnar-nissaq ajornannginnerulertarpoq. Allat imertarpata meeqqavit naaggaarnissaq sapernartissinnaavaa. Taamaattumik qanoq ajornannginnerpaamik imernissamik tatineqarnissaq nigorsimaneqarsinnaasoq meeq-qallu eqqartorsiuk.

Meeqqat malittarisassiuuguk

- Festerneq imigassartornerlu pillugu angajoqqaat allat suleqatigalugit malittarisassiornikkut Inuusuttut ileqqorineqartussanik assigiinnik piumaffigineqarnertik ajornannginnerutissavaat
- Meeqqat pisariaqalissappat oqaloqateqarnissamik, qanilaarnermik ikiuinermillu neqeroorfigineratigut
- Meeqqat "angerlarfissamik", angerlaanneqarnissamik il.il. isumaqatigiissuteqarfigineratigut. Isumaqatigiissutit amerlanertigut malittarisassianit nakkutilliinermillu pitsaanerusarput.

Inatsisit

18-it inorlugit ukioqaraanni niuertarfinni imigassarsinnaaneq inertequtaavoq. Niuertarfiit aamma angajoqqaat akisussaaffigaat inatsisit unioqqutinneqannginnissaat.

www.allorfik.gl

[Peqqinnissaqarfik](#)

ILANNGUTASSIANUT ALLANUT INNERSUUSSUTIT

[Qitornat imigassamut, tupamut aamma ikiaroorniutinut illersoruk](#)

-->